


隸釋




			漢書門類
	二	四	
	一	七	
	二	八	
八	五	九	
冊	架	函	號

內閣文庫			
元	二	漢	
一	四		
一	七	書	
九	八		
架	冊	號	類

內閣文庫	
番號	漢 2478
冊數	18 (4)
函號	297 114

四五





隸釋卷第四

淺草文庫

蜀郡守何君閣道碑 青衣尉趙君羊竇道碑

司隸楊君石門頌 廣漢長王君石路碑

武都守李翕西狹頌 李翕鵝池五瑞碑

李翕析里橋郵閣頌 桂陽守周憬功勳銘并陰

蜀郡太守何君閣道碑

蜀郡太守平陵何君遣掾臨邛舒鮪將徒治道造尊
榘閣袤五十五丈用功千一百九十八日建武中元
二年六月就道史任雷陳春主

右蜀郡太守何君閣道碑光武中元二年刻此碑
蜀中近出毗陵胡世將承公好藏金石刻紹興已
未年帥蜀尚未見之東漢隸書斯為之首字法方
勁古意有餘如瞻冠章甫而衣逢掖者使人起敬
不暇雖敗筆成冢未易窺其藩籬也蜀人以為尊
棧閣碑棧路謂之閣道非樓閣之閣也邛犍九折
坂蓋其地華陽國志云道至險有長嶺楊母閣之
峻昔楊氏倡造作閣故名焉范書光武之紀年二
曰建武曰中元祭祀志云以建武三十二年為建

武中元元年宋莒公紀年通譜云紀志俱出范氏
而所載不同必傳寫脫誤學者失於精審以意刪
去梁武帝大同大通俱有中字是亦憲章於此司
馬公作通鑑不取其說葉夢得少蘊避暑錄云韓
玉汝家有一銅料其銘云新始建國天鳳上戊六
年紹興中郭浩知金州田夫耕得一鉏其銘云新
始建國地皇上戊二年予案王莽始建國之后改
天鳳又改地皇二器与碑特相類殆莽漢之際習
俗相尚以即位初元冠於新曆之上故此碑有建

武中元之文漢志亦采取一時所記失於筆削爾
東夷傳云建武中元二年倭奴國奉貢蓋与志同
青衣尉趙孟麟羊竇道碑

羊竇道舊故南上高山下人字入深谷危駁回遠百姓
患苦永初六年青衣尉南安趙孟麟交易由此道濱
江平澤無盜賊差近廿里騎馬僂負水弱得過除去
危難行人萬姓莫不蒙恩傳于無窮乎

維世青衣尉趙君故治所書佐郡督郡隨牒除到
六日郡召南蜀鐵向長積四月治狀亦明造守成都

今復還歸尉向羊竇故道高危君字穿崖易道盜

賊徵止老弱往來無患時興字典主通道者積裕故吏

梁汜捕盜賊王留百姓過者皆蒙恩君延壽萬年

書此盛巨永元十一月九日造

右青衣尉趙君羊竇道碑亦近歲始出於眉州趙
君字孟麟以安帝永初六年穿崖易道行人去危
即安故刊石以志其事字畫甚拙非何君閣道碑
之比嘉州夾江縣又有磨崖四百餘字云平鄉明
亭大道北与茂陽西与青衣越嶲通界回曲危險

扶風王君為民興利除害遣掾何章修治故書崖
 以頌之蓋和帝永元八年也筆札亦拙又崖石增
 長字體失真无可取者碑以徵為懲駁即峻字更
 即更字儋即擔字過即過
 司隸校尉楊孟文石門頌華陽國志
 楊君名渙
 惟以靈定位川澤股躬澤有所注川有所通余言之
 川其澤南隆八方所達益域為充

高祖受命興於漢中道由子才出散入秦建定帝位
 以漢詆焉馬後以子才塗路此難更隨圍台復通堂
 充凡此四道城高无尤艱至於永平其有四丰詔書

開余鑿通石門中遭元二西夷電殘槁梁斷絕子才
 復循上則縣峻屈曲深顛下則人入廩冥寫輸淵
 平阿涼泥常蔭鮮晏木石相距利磨確略臨危槍碣
 履尾心寒空輿輕騎遘昇弗前惠虫蔽狩蛇蝱毒蠅
 末秋截霜稼苗友天殘終丰不登價饑之患卑者楚
 惠尊者弗安愁苦之難焉可具言於是明知故司隸
 校尉棐為武陽楊君厥字孟文深執忠伉數上奏請
 有司議駁君遂執爭百遠咸逆帝用是聽廢子由斯
 得其度經功飭爾要啟而晏平清涼調和烝二艾寧

至建和二車仲冬上旬漢中太守韋為武陽王升字
稚紀涉歷山道推序本原嘉君明知美其仁賢勒石
頌德以明厥勲其辭曰

君德明二炳煥彌光刺過拾遺厲清八荒奉魁承杓
綏億衛彊春宣聖日秋貶若霜無偏蕩二真雅以方
寧靜烝庶政與乾通輔主匡君循禮有常咸曉地理
知世紀綱言必忠義匪石厥章厥弘大節謹而益明
揆往卓今謀合朝情醜艱即安有勲有榮禹鑿龍門
君其繼縱上順升字斗極下答以皇自南自北四海彼

通君子安樂庶土字士悅靡商人咸懍農夫永同春秋

記異今而紀功垂深億載世二嘆誦

序曰明哉仁知豫識難易原度天道安危所歸勤二

竭誠榮名休麗

五官掾南鄭趙邵字季南屬襄中毘漢彊字產

伯書佐西戎王式字文寶主

王府君閔台道缺難分置六部道搞特遣行承事西

戎輔服字顯公都督掾南鄭魏整字伯玉後遣趙誦


字公梁案察中曹卓行造作石積萬世之基或解高

格下就平易行者欣然焉

伯玉即日造署行承事守安陽長

右故司隸校尉楗為楊君頌隸額在興元威宗建和二年漢中太守王升立碑云司隸校尉楊君厥字孟文水經及歐趙皆謂之楊厥碑蜀中晚出楊淮碑云司隸校尉楊君厥諱淮字伯邳大司隸孟文之元孫也始知兩碑皆以厥為語助此乃后政頌其勲德故尊而字之不稱其名順帝紀延光四年詔益州刺史罷子午道通褒斜路蓋從其所請

也子午者長安正南山名褒斜者漢中谷名高祖開石門史策不書亦見邨閣碑平帝時王莽以皇后有子孫瑞遂通子午永平之詔史亦闕文安帝永初元年先零叛斷隴道寇三輔入益州殺漢中守乃橋梁斷絕時也自明帝永平四年通石門至永初幾五十年自永初褒斜斷絕至延光四年凡十五年水經云石門穿山通道六丈有餘即秦人取蜀之石牛道楊君因而廣之蜀都賦岨以石門是也門在漢中之西褒中之北褒水南歷褒口此



出斜谷鄧騭傳元二之災注云元二即元元也古
書字當再讀者即於上字之下為小二字言此字
當兩度言之后人不曉遂讀為元二或全之陽九
或附之百六良由不悟致斯乖舛岐州石鼓銘凡
重言者皆為二字明驗也趙氏云此碑有曰中遭
元二西戎虐殘橋梁斷絕若讀為元元則為不成
文理疑當時自有此語漢注未必然也予按漢刻
如北海相景君及李翊夫人碑之類凡重文皆以
小二字贅其下此碑有烝烝明明蕩蕩世世勤勤

亦不再出上一字然非若元二遂書為大二字也
又孔耽碑云遭元二輒軻人民相食若作元元則
下文不應又言人民漢注之非明矣王充論衡云
今上嗣位元二之間嘉德布流三年零陵生芝草
五本四年甘露降五縣五年芝復生六年黃龍見
大小凡八章帝紀所書建初三年以后龍芝甘露
之瑞皆同則論衡所云元二者蓋謂即位之元年
二年也鄧君傳云永初元年夏涼部畔羗搖蕩西
州詔騭將羽林軍五校士擊之冬徵騭班師迎拜

為大將軍帝紀班師在二年十一月傳有脫字也時遭元二之災人

士荒飢盜賊群起四夷侵畔隲崇節儉罷力後進

賢士故天下復安四年以母病求還侍養則此傳

所云元二者亦謂元年二年也安帝紀書兩年之

間方民飢流羗豹叛戾又與傳同此碑所云西戎

虐殘槁梁斷絕正是鄧隲出師時則史傳碑唱皆

與論衡合建初者章帝之始年永初者安帝之始

年乃知東漢之文所謂元二者如此碑以余告為

試為抵此為澁蔭為陰遠為寮蔽符為斃獸衙為

灑縱為蹤憶為喜積為積西成為西城南即鼎字

廣漢長王君治石路碑

表

惟右部官國之珍寶衝路危險俠石膽岩缺道人馬

缺行為民隆害歷世彊久靡有苗心長廣漢

王君建和二車冬任掾楊缺攻沿治破壞又從涂口

繇平缺三井間道至別豎得去危就安功夫九百餘

日成就通達永傳億歲無窮記

弟子楊子欽奉為佗缺定遠字缺六造

右廣漢長王君治石路碑以一表字題其上海涇
志武帝穿漕漕令齊人水工徐伯表注謂巡行而
表記之与此蓋同意王君攻治崖路危險去民隆
害標表其事文不滿百在今漢州威宗建和二年

楊子欽所作彌字

武都太守李翕西狹頌

漢武罷太守漢陽阿陽李君諱翕字伯都天姿明敏
敦詩悅禮膺祿美厚繼世郎吏為而陷衛弱冠典城

有阿鄭之化是日三荊符南殺黃龍嘉禾木連甘露
之瑞動順經古先之曰博愛陳之曰德義示之曰好
惠不肅而成不嚴而治朝中惟靜威儀抑抑智却部
職不出府門政約令行強不暴寬知不訖愚屬縣趨
教無對會之事傲外來庭面縛二千餘人手穀屢登
倉庫惟億百姓有蓄粟麥五錢郡西狹中道危難阻
峻緣崖俾閣兩山壁立隆崇造雲下有不測之谿阨
芒促迫財財商車驛進不能濟息不得駐數有顛覆
賁隧之固過者創楚惴惴其慄君踐其險若涉淵水

水嘆曰詩所謂如集朽木如臨朽言斯其殆哉困其
 事則為設備今不圍之為患無已勅衡官有秩李瑾
 掾仇圖回常繇道造鑿燒破析刻白確嵬減高就埤
 平夷正曲柙鍤土石堅固廣大可呂夜涉四方允雍
 行人懽暢民歌德惠穆如清風所刊斯石曰
 赫赫明后柔嘉惟則克長克君牧向三國三國清平
 詠歌懿德瑞降豐稔民呂貨種威恩竝隆遠人賓服
 鑿山浚瀆路呂安直繼禹之迹亦世賴福
 建寧四年六月十三日王寅造時府

丞右扶風陳倉呂國字文寶
 故府掾 孟字

右武都太守李翕西狹頌在成州今之階成興鳳
 皆漢武都郡也李君治武都橋道前后三處磨崖
 棧險架橋則郵閣鑿崖治路則西狹天井此碑靈
 帝建寧四年刻彼西碑皆次年刻者歐得其一趙
 得其二天井一碑是時未出南豐曾子固跋此碑
 云翕與功曹史李旻定策勅衡官掾仇審治東阪
 有秩李瑾治西阪鑿燒火石人得夷塗作頌刻石
 其文有二所識一也其一刻於四年六月十三日

壬寅其一是年六月

三十日刻今集古之家惟有壬寅一碑李旻定笑碑中不

見天井吏屬却有李旻姓名始知南豐非輕信異聞必是西狹第二碑所載近歲武

都樵人斬刈藤蓐始見石上有天井刻字倚崖縛

架椎拓甚艱寺僧或以惡木蔽晦日后碑恐有此

患

碑以荊為剖芒為窄隧為墜
怖為踊植為殖惠即惡字

李翁陂池五瑞碑

黃龍

白鹿

木連理

嘉禾

甘露降

承露人

君昔在陂池脩嶠欵之道德治精通發黃龍白鹿之

瑞故圖畫其像

右李翁陂池五瑞碑李君昔治陂池臻此瑞物及

西狹磨崖因刻於前非碑陰也陂池有二穀屬洪

農郡

李翁析里橋廊閣頌

惟斯析里處漢之右溪源漂疾橫柱于道涉秋霖漉

盆溢

缺

漏濤波滴沛激揚絕道漢水送讓稽滯商旅

路當二州經用衿沮沮縣士民或給州府休謁往還

恒共日晷行理咨嗟郡縣所苦斯谿既然廊閣尤甚

緣崖鑿石竅隱定柱臨深長淵三百餘丈接木相連

彌為萬柱過者慄慄載乘為下常車迎布歲數千兩
遭遇隕納人物俱陷沈沒洪淵酷烈為禍自古迄今
莫不創楚於是

大守漢陽阿陽李君諱翁字伯都以建寧三年二月
辛巳到官思惟惠利有以綏濟聞此為難其日久矣
嘉念高帝之開石門元功系朽乃俾衡官掾下辨仇
審改解危殆即便求隱析里大橋於今乃造校致致
堅字缺二互巧雖昔魯斑亦莫擬象又醜散關之漸漂
送朝陽之平燦減西字缺二高閣就安寧之石道禹導

五河以靖四海經記厥續艾康萬里臣字缺三勒石示

後乃佗頌曰

字缺四降茲惠君克明俊德允武允文躬儉尚約化流

若神凌氓如字缺三平均精通皓穹三納符銀所歷垂

勲香風有隣仍致瑞應豐稔字缺五樂行人夷欣慕君

靡已乃詠新詩

字缺四子川允之間高山崔隗子水流蕩蕩地既墜确

子與寢為隣字缺六以析分或共緒業子至丐困貧危

危累卯子聖朝閱憐髦文究字缺五子翁救傾子全

育缺遺劬勞日稷子惟惠勤勤黃邵朱龔子蓋系四缺

字充贏子百姓歡欣僉曰大平子文翁復存

建寧五字缺二月十八日癸缺下

時衡官字缺三仇審字孔信

從史位字缺四字漢德為屯頌

故吏下拜字缺三子長書屯頌

時石師南字缺四威明

右析里橋邨閣頌隸額今在興州靈帝建寧五年

立后西狹碑一歲別有數行刻書撰人及石師姓

名歐公謂遭遇隕納及醜散閑之嶰歐誤灑灑朝

陽之平慘刺畫完而莫詳其義或是用字假借案

碑言閣道危殆車乘注還人物俱墮則隕納謂墜

淵也慘即燥字醜與釋全太史公書皆狀楊著碑

醜榮投蔽景君碑農夫醜耒之類是也其云劬勞

日稷蓋用穀梁子曰下稷之文靈臺費鳳碑亦有

之碑以橫柱為橫注益溢為溢行理為行

桂陽太守周憬功勳銘

桂陽大守周府君者徐州下邳人也諱憬字君光體

性敦仁天姿篤厚行興閨門名缺州里奉孝廉拜尚

書侍郎遷汝南固始相遂拜桂陽廼宣魯衛之政敷

二南之澤政以德綏化猶風騰撫集烝細缺綏有方

進則貞直退則錯柱崇舉濟濟吉土士充朝招訓缺

蒙開誘六蔽君子道長小人道消信感神祇靈瑞符

缺嘉穀生於野竒草像萋莆異相之樹超然連理於

此缺時邦域惟寧郡又與與南海接比商旅所臻自

瀑亭至号曲紅壹由此水其水源也出於王禽之山

山盖隆字三字天泉聲沸踊發射其顛分汜離散為

十二川彌陵隋阻立阜錯連隅陬靡藹未由騁焉爾

乃貫山鑽石經字四字揚爭怒浮沈潛伏地龍蛭屈澧

隆鬱泡干渠萬澮合聚谿澗下迄安甌六瀧佗難滿

瀨涇涇泣云潺湲雖詩稱百川沸騰高岸為谷深谷

為陵盖莫若斯天軌所經惡得已改其下注也若奔

車失轡狂牛無縻缺勿流忽臚睦不相知及其上也

則羣輩相隨檀柁提缺唱號慷慨沈深不前其成敗

也非徒喪寶玩墮珍竒替珠貝坏象犀也往古來今

變甚終矣於是府君乃思夏后之遺訓缺應龍之畫

康澤
卷之四
三

傷行旅之悲窮哀由人困厄感蜀守冰珍絕犁雕嘉
 夫昧淵永用夷易廼命良吏煥帥壯夫排積膳石投
 之窳字缺二高填下鑿截回曲弭水之邪性順導其經
 脉斷硯澁之電波弱陽侯之汹涌由是小溪乃平直
 大道允通利挹布貿絜交易而至升涉周旋功萬於
 前除昔字缺二樹峯於茲雖非龍門之鴻鴻字績亦人君
 之德宗故胎字船人嘆於水渚行旅語於涂陸孔子曰
 禹不決江踈河吾其魚矣於是熹平三季歲在攝提
 仲冬之月曲紅長零陵重安區祉字景賢遵承典憲

宣揚德訓帥禮不越欽仰高山乃與色子故吏龔其臺
 郭蒼龔雒等命工擊石建碑于瀧上勒銘公功傳之
 萬垂垂示無窮其辭曰

乾此剖兮建兩儀剖采分兮有險夷咨中巒兮穆崔
 嵬嘆衡林兮獨傾虧增陵峭兮甚隘陔鮫莫涉兮禹
 不規仰王禽兮又崑崙俯瀧淵兮怛以悲岸叅天兮
 無路溪石縱橫兮涿洄洄波隆隆兮聲若雷或抱負
 兮以從利或追思兮有赴義汜自楫兮有不避缺躬
 軀兮於玄池委性命兮於芒緇惜寒慄兮不皇計忽

隨深兮殆忘歸懿賢后兮發匪聖英閑不通兮治斯

谿靡巨石兮以湮填開切促兮導曲機推六瀧兮弱

兮散其波威怒定兮混瀾瀾息聊啾兮逝

兮蛟龍滅睦老唱兮臚人歌名嗣卉兮

超踰倫今稱缺兮耀涿沙功斐斐兮鏡海裔君兮君

壽不訾

右神漢桂陽太守周府君功勳之紀銘隸額周君

名憬自固始相為桂陽守碑云熹平三年歲在攝

提仲冬之月曲紅長區祉與色子故吏建碑于瀧

上蓋靈帝甲寅年也茲水發源王禽山千渠萬漕

下湊六瀧舟楫過之若奔車失轡狂牛無縻喪寶

玩流象犀積有日矣周君思夏后龍門之績感李

冰離堆之事排治湍梗人得利涉故紀其功勳銘

辭全逼騷雅有瓠子歌遺意韓退之詩云南下樂

昌瀧險惡不可狀者即謂此也樂史寰宇記云瀧

上有太守周昕廟今碑在韶州張九齡廟中其名

尚隱隱可辯蓋憬字也予嘗侍親度嶺留英州其

郡東亦有瀧問之云彼處壤沃宜稻而山甚高峭

僅有鳥道負擔者不可下土人斬竹為簾以器貯
 米寘其上俟雨至澗通隨飛瀑魚貫而下注于深
 潭入水底始再出碎于石者什五六謂之瀧如此
 碑以壅藹為壅過犁雕為
 犁堆小溪路後皆為蹊

周憬碑陰

故曲紅長零陵重安區祉字景賢故舍涯長南郡郎
 蒼陸字缺夏故湏陽守長南平丞長沙漢昌蹇祗字
 宣節故行事耒陽萃憂字漢威故荊州從事曲紅龔
 臺字少謙故荊州從事曲紅郭蒼字伯起故荊州

事柳王鼎字季尼故南部督郡曲紅龔雒字缺然故
 吏曲紅鄧音字孝直故吏曲紅朱隲字義德故吏曲
 紅張源字子才故吏曲紅龔達字缺通故吏曲紅黃
 部字琦尼故吏曲紅周盖字伯嘗故吏曲紅黃晏字
 子齊故吏曲紅馬珪字元序故吏曲紅潭承字寧升
 故吏曲紅劉鵠字季產故吏曲紅黃祺字缺仁故吏
 曲紅周習字仲鸞故吏曲紅劉越字子省故吏柳褚
 禧字缺讓故吏耒陽蔡缺字已明故湏陽左尉零陵
 泉陵缺三故吏湏陽劉明字仲缺故吏湏陽左勝字

仲升故吏涇陽左龢字妙舉故吏涇陽宋碩字子張
故吏舍涇堯禹字公利故吏舍涇張邵字寧威故吏
舍涇黃詳字伯節工陟南陽宛王邈字子彊

右周憬碑陰宰曲紅者一人貫曲紅者十六人熊
君碑亦全兩漢書皆作曲江諸家地理書皆云水
流屈曲故曰曲江唯水經云縣昔号曲紅山之名
也前書工女大功皆只同用紅字未知水經何所
據也

隸釋卷第四



隸釋卷第五

橐長蔡湛頌

滎陽長潘乾校官碑

梁相孔耽神祠碑

成陽令唐扶頌

巴郡守張納功德叙

并陰 棗令劉熊碑 并陰

橐長蔡湛頌

君諱湛字子德河內脩武人也其先 缺 周封紂 缺 二

葉文王采食蔡 缺 五 剔其氏麻世卿尹有功王室迄

于大漢絕踐繁隆內任台翼外作股肱元初之 缺 三

擾攘君孝銜詔東掃其難宰化 缺 苻守吳郡再在 缺 二

字復牧青州風聲所加字缺三帝愛樹之美湛鼎其中

子也少耽七典字缺二碩材字缺二州郡名寶鄉黨辟州

從事上字缺三舉孝廉以疾辭讓應司徒府除廣川長

公事去官復辟大尉以熹平四年六月乙卯詔書除

字缺四政也躬清絜以草穢班五禮以齊眾官劓不勞

民亦穠事於斯字缺二孝翁習而帥字缺三蕭滌而雲消

爾乃來幽秀於巖列嘯字缺二於閭闔欽耆賢以字缺命

字缺齊信以殊禮字缺三良字缺足而思節為惡迎化而移

心字缺風清和而琬琰時雨應氣而投間嘉祥臻字缺四

生年穀豐儲歲有其成遠鄰附就戶口增前視事三

年遷高邑令吏民追思如字缺三朝夕思焉夫播禮以

正信少津以擿姦穢為而稱治盪盪有功字缺飛陶唐

氏其孰能字缺三乎鄭產密豹之徒殆不及矣蓋良君

興遺愛字缺民琴銘樹今之通義也於是吏字缺三粟

尹等相與合會立碑起頌刊斯石焉

其辭曰

穆穆蔡君國之後細應禮字缺二不降其光乃就台鼎

廡足高字缺協英公門褻職是望字缺賦廣川不挫其芳

乃旋色厲更迹惟良舒羽來臨我國是煌靡缺不缺
网禩不通民用寧缺風信以康三載勲取功證王府
命作高色臨拜州缺吏民追思乃銘其叙昭示缺裔
亦孔之表君德舍洪有君子道四焉

聖朝明哲以爵寵賢光和四年十二月甲缺詔書拜
并州刺史

光和四年七月七日丁缺字二

右漢故彙長蔡君之頌隸額在真定有陰靈帝光
和四年立蔡君名湛治彙三載而遷高色吏民思

其惠政故粟尹等共刊斯石頌后又志其并州之

除蓋續書也

碑以盪為湯飛為非麻即歷字希即布字鼎即則字屢即厲字禮即禱字

漂陽長潘乾校官碑

蓋漢三百八十有七載

字三于字二

銘功著斯金石

畀誅曰漂陽長潘君諱乾字元卓陳國長平人蓋楚

大傅潘崇之末緒也君稟資南

缺之字四

德之絕操

長髦

缺敏缺

學典謨祖講詩易剖演奧藝外覽百家

衆缺挈聖抱不測之謀秉高岳之介屈私錫公即仕

佐上郡位既重孔武超著疾惡義形從風征暴執訊

獲首除曲阿尉禽姦戔猶嗣息善歡履菰竹之廉蹈

公儀之絜察廉除茲初廣清肅賦仁義之風字缺三之

迹烝化放虐岐周流愛雙虐字缺二親啟寶智進直還

憲帝政優優令儀令色獄鞫呼噬之寃樹鞫叩匈之

結矜孤頤老表孝貞節重義輕利制戶六百省無正

繇不賣自畢百姓心歡罔不共實於是遠人聆聲景

附樂受一厘既來安之缺設三季惟泮罔之教反缺

俗之禮構脩學罔宗懿招德既安且寧于侯用張墜

豆用蹶發波有的睢罔缺閑鍾磬縣兵弓肯樂焉乃

仕叙曰翼翼聖慈惠我稊蒸貽我潘君平茲漂陽彬

文赴武扶弱抑彊缺刈鼂雄流惡顯忠咨疑元老師

取仕朋脩學童鬪琢質繡章寔天生德有漢將興尚

旦在管我君存今缺此龜艾遂尹三梁永世支百民

人所彰子子孫孫卑介熾昌

丞沛國銍趙勲字夢伯左尉河內汲董竝字公旂右

尉孺童南昌程陽字孝遂

時將仕吏名戶暫掾楊淮議暫掾李就議暫掾栢檜

戶曹史賀缺從掾位侯祖主記史吳超門下史吳訓

門下史吳翔門下史時球

光和四年十月己丑朔廿一日己酉造

右校宿之碑隸額靈帝光和四年漂陽為其長潘

君作紹興十三年漂水尉喻仲遠得之固城湖中

碑今在漂水縣潘君名乾自由阿尉來宰漂陽興

學宮講賓射碑頌所由作也其間用字刻者其刀

賢去其貝干戾用張者周礼士以三耦射豻戾大

射礼用干字尚且在管者似謂太公周公也

碑以
華為

黎卑為俾從即送字廉即厲字樂即垂字智即智
字還即退字野字賈即責字募即蔓字所即

字房

梁相孔耽神祠碑

君諱既兄弟三人君家長厥先出自殷烈殷家者質

故君字伯本初魯遭亡新之際苗胄析離始定茲者

巡尉賜以來君少治礼經遭元二軼軻人民相會舞

土第茨躬菜菱蕩消形瘦腦呂養其親慈仁質楠精

靜誠信天授之性飛其學也治產小有追念祖母故

舞魂構於是君考竭凱風呂惆悵惟慕儀呂愴悵恃

闔郭藏造佗堂穿增土種柏孝心達冥平石上見祀

地有頃復亾放龍羅之稚救窮禽出厄小弟升高遊
 志畜積道富財貧君引共居卅餘年雖賦舛如義合
 故天應厥證木生連理成體一焉下則同人上則洪
 茂馨卓流布縣請署主簿功曹府招稽議郡將烏程
 沈府君表病委職署君行事假穀孰長印黻搃領文
 書率跡皓首縣車家巷黃髡老背有胎表孫息敖
 姚驩樂壽考觀金石之消知萬物有終始圖千載出
 洪憲定吉兆於天府目覩五匠出所營心欣悅於所
 處其內洞房四通外則長廡功賦合出世萬目光和

五季歲在壬戌夏六月訖成於此行夫君子欽美舍

諛如頌曰

君之德兮性自然蹈仁義兮履卦純愬隱至兮裨地
 存皇坐象兮木理連矜鳩獸兮放舍旃享黻榮兮景
 彌宣達情性兮覩未然永億載兮傳功勳刊石祠兮
 示詰賢子得述父臣得錄君故紀焉時君年七十二
自所立位君子颯位內至時已更郡諸曹史
習詔承詔紀行手自注石治
師同縣朱適朱祖并位畜郭
 右漢故行梁相事碭孔君出神祠隸額靈帝光和
 五年立在亳州永城縣孔君名耽梁國古碭郡也

郡將沈君表病委職故耽假穀孰長而行相事謂
 之碣孔君之神祠者其祠在碣也此碑筆法頗古
 怪其文又自左而右數行之后字畫頓小其末又
 有小字數十叙孔君之年及其子歷官与石工姓
 名孔君有孝友之行致神蛇木連理之祥白首退
 休驩樂壽考其文云定吉兆於天府覩工匠之所
 營心欣悅於所處又有子得述父之句則是孔君
 自作壽藏而厥子刊石也吳雄置卒史碑有孔子
 十九世孫麟廉文學掾蘇師憲戶曹史覽又史晨

碑有五官掾暢功曹史淮守廟百石讚副掾綱故
 尚書立又韓勅碑陰有從事樹太尉掾凱百石恢
 處士方朝巡汎儀甫此有耽颯凡二十人孔氏譜
 皆不著以聖人之后見之碑刻尚如此况它人乎
碑中軾作軾形作形飛作非敲作緩胎作台卦作
 朴惻作惻從字有作從者此碑以從為迥蓋省文
 也窳即最字菜即采字字即字字寔即寔字廿音
 入世音悉盍切卅音息入切漢碑俱用此數字

漢成陽令唐扶頌

君諱扶字正南潁川郾人也其先出自慶都臧赤胤
 生堯王有天下大號為唐治致雍熹尊天重民禪位

虞缺光受第土通天三統苗胄枝分相土咏居曰氏
 唐為累坂含柱受天之怙消嗣彌光為漢台輔君父
 孝廉郎中早卒季父蜀郡蜀郡從弟會稽會稽從弟
 南陽君從兄東萊大守南陽弟司空公在朝透隨正
 色竭忠為國討暴六戾俱封受土龍爵金縉十三君
 繼厥緒少有岐嶷耽道好古敦書咏詩綜緯河雒底
 究羣典彘紉士進守舞陽丞弱冠守昆陽尉潁陽令
 隱練州郡所臨有迹迹帝嘉其德特拜郎中察能治
 勳除豫章鄆陽長夷粵掄欸強難化君舊威颺武

視已好惡變絡振疊稽賴師服缺上前通千有餘萬
 盜賊衰息境界晏然三載有成州郡諍表遷成陽令
 承先醒之知軌見讚像之高蹤遂興無為之治優賢
 颺靡表善紉惡導九德已綏民崇晏晏之惠康風移
 俗易莫不革心朝有公卓家有叅騫分邦之治優隆
 於君追惟堯德廣被之恩依陵亳廟造立授堂四遠
 童冠樞衣多業著錄千人朝益莫習泝泝閭閻尼父
 授魯曷已復加虛禔瑞應木連理生白芟繁鳩遊君
 園庭蕩蕩之治莫能名焉三司察功朝廷審真已君

威恩竝流文武兼興東萊海濱湏君呂寧詔書換君
 昌陽令吏民慕戀士女惟艱捺掌君車輪不得行君
 臣流涕道路琅玕迫有詔命靡由復還於是故從事
 仲字仲投張躬萬龍督邛仲規郡掾閭葵缺仲瑄處
 士王缺董頌閭葵斑等乃共刊石樹頌歌君之美其
 辭曰赫赫唐君帝堯之苗氏族不一各任所安本同
 末異蓋謂斯焉君體煥炳有芬有馨如山如岷嵩如
 不傾如缺如海澹如不盈惟直如天矢秉銓據衡左
 朝肅肅閨門雍雍庶踰伯紉絜如珪璋賦政巧外爰

及鬼方匯夷來降寇賊迸亡黎庶攸寧黔首歡康呂
 德綏撫宣息六陽呂仁恤弱呂義抑彊恩由春夏威
 如秋霜賞罰分臈白黑著明憂者閔稚不侮寡矜眈
 樂道述咀嚼七經五六六七訓導若神接下施與投
 財如捐吏服其德民歸其恩父父子子君君臣臣不
 師自舉不拘不煩囹圄空虛國無佞民德及草虫澤
 流無垠蝓飛蠕動咸賴我君顯顯令稱德音常存
 光和六年二月壬午朔廿五日丙午處士閭葵斑戀
 念唐君為立碑缺斑字宣高脩春秋嚴氏大子讓公

謙齋斑菜次龔尉謙治尚書毆陽次廉仲絜小夏侯
耽經史兮履仁義內和陸兮外衮卦呂家財兮讚君
號諸學缺兮相埤助垂後政兮不之譽

右漢故成陽令唐君頌篆額在濮州雷澤縣有陰
唐君名扶穎川人由舞陽丞昆陽尉穎陽令入拜
郎中出為鄆陽長自成陽令換治昌陽邑人慕戀
恩惠至於泣攀其車轍既行之后處士閻葵斑等
共立此碑靈帝光和六年也首云承先聖之洪軌
見讚像之高蹤又云造立授堂四遠童冠樞衣受

業著錄千人朝益莫習術術閭閻尼父授魯曷以
復加又云歡樂道術咀嚼七經五六六七訓導若
神所叙誨學之事其詳如此蓋溧陽潘君校官碑
之類也授堂者講授之堂五六六七者用曾點冠
者童子之文也司空者名珍熹平二年自太常拜
中常侍唐衡之弟也延熹中衡與宦官共誅梁冀
受封世謂之五侯即討暴俱封事也匪夷者匪澤
之盜也朝有公卓即孟公綽也家有參騫以參為
參即曾閔也廉踰伯尉即夷齊也分陝則反夾為

邾此用字之異者又有題名云成陽令穎川穎陰高諱某成陽丞廣陽副史珍瑋寶蓋是刻於碑首

之旁者

拂掩音如布戶不順理也碑以諍為爭黎為黎述為術陸為睦埤為禪受即受

巴郡太守張納碑

巴郡大守都亭侯張府君功德叙

君諱納字子郎勃海南皮人也其先

字缺二

之胄立姓

定氏應天文像炎漢龍興笛戾維幹枝藁滋布竝極

爵秩君之曾祖暨其先考軌迹相繼俱

字缺三

州追侔

昔人平顯其光鍾美積德寔乃毓君膺大雅之淵姿

循烝烝之孝友綜覽資典靡古不通察孝廉除郎中

尚書侍郎夙宵在公匪懈巧職遷日陵寔句令親病

去官念

字缺二

復義章海內辟司空司徒府厲

字缺二

引

股桓弗就復辟大尉舉高第拜侍御史迪謨弼諧密

靖王室楊州寇賊陸梁佗難五府表君中丞督

字缺二

武汾法所向禽殪日不移晷收功獻捷省息錢穀還

充府帑朝以

字缺四

駮震剖符守任綏慰駭散

字缺二

晁

者征克大勳丙子璽書封都亭侯姪公曲阜尚父營

公周啓厥

字缺五

自君到官也勤思乾乾

字缺二

暇會菲

身約儉焉時若麗清踰公儀絜如素絲旌甄秀異抽

拔孤字缺五以內照外貪饕草悔姦字缺二遐刑無斧鉞

之周行無拘絀之人胸忍蠻夷滔天蠢動乘虛唐突

字缺五忿字缺斯怒爰整干戈席字缺二旣搏則有獲羣醜

惴怖絕迹幽竄字缺鎮集乖離俾寧業宇郵澹凍餒字缺八

賦出梁益頻年字缺二杼柚其空汧流轉漕轂恒輸

沮戊申詔書騰前付異道迥且艱潮字缺六上乞如舊

常童雖得字缺二家不行哨然愍悼民亦勞止繇是辭

疾隘閭委政中闕殷慈養之字缺七之怨故大尉掾王

字缺三府丞李元掾史張勤黎景馮經趙中母俊蒲勝

猶潭茅庶慕奚斯字缺二之義共論叙紀著休烈刊字缺二

字頌其辭曰

字缺四蕙生我君姿兼申甫懿豔字缺二帥興稽古正始

順元允恭肅恪唯禮是遵乃訓五品殷敦左寬舍字缺五

字乾化其潤如雨其主字缺二既循沮榘導我以文且

衛寢暴建此武劬四竟宥謚群庶艾安童諳字缺三德

慕思昔在邵伯今也復字缺三穆矣卓爾超倫奇旨令

問光乎憲年

右巴郡太守都亭侯張府君功德叙靈帝中平五年立今在巴州張君名納勃海人碑云立姓定氏應天文像蓋謂二十八舍有張宿其不經與柳敏碑同張君為郎中尚書侍郎甘陵寬句令侍御史揚州賊作以中丞督捕封都亭侯碑有殘缺不見守巴郡事蓋在胸忍蠻夷蠢動之下此碑乃掾屬李元等為之碑陰各書曹掾之職而不稱故吏則是張君在郡之日所立

碑以汾法為紛紜以澹為膽以哨為哨以沮桓為沮

豆以意為億賁即墳字態即懈字畏即曩字家即寐字

張納碑陰

益州從事宥渠李元字次公行丞事逆掾位江州然存字元父主簿江州白文主記掾閩中黃機錄事掾江州王翦上計掾安漢趙瓌議曹掾宥渠李思議曹掾胸忍扶古議曹掾江州上官延議曹掾安漢陳阜議曹掾枳楊本文學主事掾任穆逆掾位閩中嚴晏逆掾位閩中楊虵逆掾位宥渠馮譽逆掾位宥渠李竝文學掾閩中周籟尉曹掾安漢缺昕金曹掾宥渠缺林漕曹掾安漢缺業法曹掾江州缺洽集曹掾江州

東漢書卷五十五 第五十五 卷五十五

缺 玄兵曹掾江州 缺 岑比曹掾江州 缺 盛功曹史宥

渠 缺 經詩事掾宥渠 缺 訓文學掾江州 缺 阿詩事掾

充國 缺 直詩事掾枳負 缺 詩事掾枳張 缺 詩事掾宥

渠 缺 敏詩事掾枳章 缺 詩事掾安漢王業文學主事

史閔中張榮奏曹史江州董國奏曹史宥渠沈徐戶

曹史宥渠李舍戶曹史輗江蘇祖戶曹史充國李周

戶令史輗江宋亶獻曹史宥渠咸平辭曹史江州毋

龜辭曹史安漢陳佻賊曹史充國肯遺賊曹史江州

然雄賊曹史平都張恃賊曹史宥渠曲崩右賊曹史

枳牟梁決曹史宥渠王安右金曹史安漢范謀左金

曹史宥渠王褒左倉曹史充國揚徐右倉曹史江州

尹裴左漕曹史安漢曹已右漕曹史輗江田岨法曹

史江州愠益右集曹史江州張南右兵曹史輗江夏

晉比曹史充國何鐔中部督郵安漢陳肩南部督郵

閔中王湯臨市掾閔中弘有府後督盜賊枳李街文學史

旦中部案獄閔中弘有府後督盜賊枳李街文學史

江州鈗遷守屬江州丁盛守屬江州謁恭守屬安漢

郭興守屬充國誰將守屬宥渠李平守屬充國王可

守屬安漢楊連守屬安漢邠升

中平五年三月上旬書君升台祚承大百福子孫千

億

右張納碑陰題名七十有四人從事及丞則書其
字主簿以下掾史並書名蓋一郡之吏也主記掾
錄事掾上計掾各一人文學主事掾史各一人從
掾位四人文學掾二人史一人議曹掾五人法曹
集曹比曹史各一人金曹漕曹掾各一人左右史
亦如之尉曹掾一人詩事掾七人功曹獻曹決曹

左倉曹右倉曹史各一人奏曹辭曹史各二人戶
曹史三人戶令史一人賊曹史四人左賊曹史一
人中部南部督郵各一人監市掾一人領校安漢
長一人中部案獄一人府後督盜賊一人守屬八
人其分職置吏如是其衆且詳也漢世郡縣吏開
敏有材者上之人可以察舉達而為公卿無所得
故人知自愛重犯法今日唯以鞭笞用事宜乎廉
恥汨喪也

酸棗令劉熊碑

君諱熊字孟缺廣陵海西人也厥祖天皇大帝垂精

接感薦生聖明缺仍其則子孫亨之分源而流枝葉

扶疏出王別崩受爵列土封侯載德相繼不顯缺五

光武 皇帝之玄廣陵王之孫俞鄉侯之季子也誕

生照明岐凝踰絕長缺柴守約履勤體聖心叡敦

五經之瑋圖兼古業覈其妙行脩言道缺宜京夏

莫不師印六籍五典如源如泉既練州郡卷舒委隨

忠貞缺效官缺出省揚土流化南城政猶北辰衆

星所從三祀有成來臻我邦循東缺之惠抑缺禮官

賞進廣頑約之以禮博之以文政教始初慎徽五典

勤恤民殷缺心顧下缺仁恩如冬日威猛烈炎夏

貪究革情清脩勸慕德惠潛流鬯芳旁布允愍縣缺

濟濟之儀孜孜之踰帥廣後學致之靡泮草上之風

莫不嚮應悅誨日新缺素七業勃然而興咸居

今而好古雖未盡道善必有所由處民之秉彝寔我

劉父其人魯無君子斯焉取旃允我劉父言善誘人

講禮習聆匪徒豐學屢獲有年缺載克成神民協欣

兩不相傷故德友歸焉自古在昔先民有位洪勳則

甄盛德缺刺表諸來世垂之罔極衰賢表善揚幽拔

徹式序在位量能授宜官無曠事缺為正以卒為

更愍念丞民勞苦不均為位正彈造設門更富者不

獨逸樂貧者缺順四時積和感暘歲為豐穰賦稅不

煩寔我劉父吏民愛若慈父畏若神明悔缺令德清

越孤竹德牟產竒誠宜褒顯照其憲則乃相缺洛度

諏詢采撫謠言刊缺詩三章其辭曰

清和穆鑠寔惟乾以惟鬱降靈薦生我君服骨劬聖

允鍾厥醇誕生岐嶷言協缺墳懃德震耀孝行通神

動履規繩文彰肅續成是正服以道德民

有父子然後有君臣理財正辭東帛缺夢刺像

霍鳴一震天臨保漢寔生缺勲明試賦授夷夏已親

嘉錫來撫潛化如神其神伊何靈不傷人

猗歟明哲秉道之樞養缺之福惟德之偶淵乎其長

渙乎成功缺暇民豫新我缺通用行則達以誘我邦

賴茲劉父用說其蒙澤零年豐黔首歌頌

右酸棗令劉熊碑篆額右一行微有棗令劉字則

知所題非十即八也碑云出省楊土流化南城三

祀有成來臻我邦則酸棗非始仕之地碑美其勤
恤民隱恩威並行帥厲后學善誘日新至叙力役
之事尤詳其辭云以卒為更愍念烝民勞苦不均
為作正彈造設門更富者不獨逸樂貧者得順四
時積和歲豐賦稅不煩可見劉君茲事尤為民便
故百姓以劉父稱之碑之所以作也以卒為更之
上有為正二字而闕其餘董仲舒云月為更卒已
復為正小民安得不困注云更卒謂給郡縣一月
而更者正卒謂給中都官者西京更有三品後雖

改易官不得人則害常自若也水經云酸棗城有
縣令劉孟陽碑今碑損其一字歐陽公不知碑在
酸棗元以名其官遂謂之俞鄉侯季子碑趙氏云
光武子廣陵王荆以譴死李利涉編古命氏云荆
生俞鄉侯平平生彪鬣封據此熊當為彪之弟然
則於光武乃其曾孫而曰玄孫碑之誤也唐王建
題此碑詩云蒼苔滿字土埋龜風雨消磨絕妙辭
不向圖經中舊見無人知是蔡邕碑元祐中蘇邁
書胡戡之語謂此與劉寬碑同建詩為不誣予謂

此固漢隸之上品似非中郎筆法其文有云七業
勃然而興咸居今而好古其詩則曰有父子然後
有君臣文律如此難以謂之絕妙辭也

碑以亭為
享殷為隱

究為亢踰為諭偶為隅
鶴在鳴上省文作雀

劉熊碑陰

故徵試博士

下缺

故華長蘇真

下缺

華長戴燿

下缺

故上計

掾

下缺

故郎中訆弘對寵三百故兖州從事仇審季

下缺

三百故

下缺

事君仇方孟飭三百故外黃守令尹松大

德五百故雍丘守令李保世德三百故維立守令

下缺

穆元憲三百故外黃守令李卓卓異三百故守東昏

長蘇勝德陽二百故五百掾王暹宜孟三百故維立

守令王習對河三百故督郵左位宣高二百故督郵

李瑯景德二百故督郵李徽景臺二百故督郵蘇翔

山甫二百故督郵楊茂季曾二百故督郵顏亮光祖

二百故郡曹史李豫妙高二百故郡曹史顏詩惠祖

二百故郡曹史楊禕世直二百故郡曹史王仁公直

二百故郡曹史王貢對臺二百故郡曹史蘇寧寧

二百故郡曹史仇惟彥成二百故郡列掾李表憲臺

二百故郡文學李義子仁二百故後儀守丞李璜伯

瓌二百故字缺守丞仇邵景傳二百故陳笛守尉樊

殖仲舉二百故河隄逆事缺萬世字缺三故河隄逆事

李備彦字缺三故澆州書佐尹雒彦真五百故雜字守

尉李謙子山二百故外黃守尉誠咸升卓二百故功

曹尹慎元節二百故功曹邴膽世高二百故功曹蘇

信君咨二百故功曹馬昂卓舉二百故功曹三頌季

寧二百故功曹尹真元真二百故功曹馬汜解卿三

百故功曹蘇儁文雅二百故功曹蘇字缺景真二百故

功曹楊字缺仲紀二百故功曹毛儀雅方二百故功曹

李儒公林二百故功曹蘇奉奉祖二百故功曹皮周

雅真二百故功曹楊芬伯曾二百故功曹顏規孝舉

二百故功曹殷備山祖三百故功曹常周彦周二百

故功曹田宣宣孟三百故功曹仇字缺彦博二百故功

曹左鳳彦皇五百故功曹李性孝慈三百故功曹李

護子讓三百故主簿衛宣宣豐二百故主簿張芝字缺

真二百字缺一逆掾位李奉奉明二百逆掾位字缺二子

然三百逆掾位尹彬雅方三百逆掾位王東公舉三

百從掾位左宜扶風二百從掾位景殖缺敬二百從
 掾位張除缺二百從掾位張臨字缺二百從掾位
 李榮彦德二百從掾位左脩敬祖三百從掾位宋蓋
 季甫三百從掾位馬萌子明二百從掾位陳揖文讓
 二百從掾位彭來祖二百從掾位擗橫公節三百
 處士宋缺仲博三百處士許宗文祖二百處士李相
 成祖二百處士王鳳德升三百處士焦鳳德皇二百
 處士顏缺子禮五百處士尹官彦高二百處士蘇位
 雲臺五百處士李勝子才三百處士紀珪孝范三百

處士董悝彦臺五百處士蘇瑋孔彦五百處士屈孔
 子瑋二百處士李紉奉和三百處士字缺彦宜五百
 處士尹茂孔才四百處士尹瑋彦璜五百處士尹缺
 德橫五百處士殷郁缺德二百處士李礼公儀三百
 處士邵畱孔才五百處士崔鵠孝才五百處士字缺
 昭明三百處士殷經德明三百處士碓桐景直五百
 處士韓庠元序五百處士尹愷孝讓五百處士尹雄
 雲臺二百處士許將彦榮五百處士王缺德讓五百
 處士殷督彦直五百處士殷沉元像二百處士楊商

子翼三百處士蘇豔彦公三百處士桃詩彦雲五百

處士馬儀彦周二百處士馬郤彦朝五百處士公二

字雲五百處士曹長顯才五百處士字仲章五百

處士字博五百處士王鍾字璜五百處士馬順德

缺三百處士字五百處士樊字處士字處士蘇恩

公缺五百處士蘇穆公字百處士字德字二百

處士杜字彦璜五百處士左儀德祖二百處士張缺

子讓五百處士張字元表三百處士字三百處士

杜字子惠五百好學尹字二百好學韓彫子字二百

好學魯庠子序二百好學李泉字二百好學閻仲

糾明二百好學誠字二百字二百好學張童子章二百

好學寢高彦高二百好學雄就子成二百好學江缺

敬臺二百好學毛郤字和二百好學焦寄子琚二百

好學李恭敬讓二百好學宋茂彦字二百好學宋寧

萬歲二百好學稽詳子季二百好學趙稭景字二百

好學張武彦成二百好學焦方子政二百好學字好

學字好學蘇字好學許礼文耀字好學程當子

字好學李墨子字好學李仲糾仲好學尹朝子字好

學字缺子缺好學左重彦松好學李漢子漢好學李

恭子缺好學尹字缺二好學衛阿子缺好學江真好

學趙缺子賢好學李墅子墅好學字缺二吉甫好學張

侶缺好學子缺和好學李周子周好學王福子

祿好學翟馮子缺德行蘇倉子盈缺好學缺好缺

缺好缺右劉熊碑陰其可見者百八十人不書郡邑皆酸

棗人也其稱故華長故雍正令之類則邑之薦紳



大夫也其稱故郡文學故督郵之類則嘗吏於郡

者也其稱逆掾位則酸棗之吏而不稱故吏則可

見劉君之左官也處士之后有好學四十餘人必

泮宮之后進以處士為文人行者其間有德行一

人必是嘗貢孝察廉者



隸釋卷第五

寬政戊午



書影

巻第五

